

piniarnerlônêt Gûdib perkojanginut ivsornaitunut akkerartortok suglunartorlônêt taipkununga.

7. Naitomik Gûdib perkojangita pijomajangit okautigikit.

Gûde nagligijaksarivavut ômamut tamânut, inukattivullo uvaptitut nagligivlugit.

8. Tamanna uvagut nangminek sapperlungilagût?

Aukak; inuk passijaksaunginerne pingortitaugalloarame, kingorngagut kattakpok nalenginermut, taimanganillo kialônêt pitsartunermigut sapperpait Gûdib perkojangit tappaginagit.

9. Ajornerub malliktingit sunauvât?

Ajornerub inuk Gûdemit avikpâ, illinganinga sujuktilugo, anianerniglo kiksarnerniglo unuktunik ôksitilugo; issokangitomullo tokkotisinnarlugo kakkialingipat.

10. Ajortomit malliktinginillo nangminiptingnik piuliklerungnarkitâ?

Sapperpogut sunamullônêt, omativut sujungaititsungnangilavut âkigungnarnagillônêt tammarnivut.

11. Kanok Gûdib Erningata inukotine ajoringinit piulilaukagit?

Piulijauniksaptingnut kilangmit akkarsimavok attisita-
taulunelo uviningmik Mariam. Anernermut ajunginer-
mut, inungortitauvlunelo kikkiaktortauvlunelo pivluta,
Pilatus aulatsijôtilugo. Tokkolaukpok illuvertaulunelo,
uvluglo pingajuangne aglait mallikiugit makkilaukpok
kilaliarlunelo iksivalunelo Atâtab tallerpiata tungâne.